

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Stručne službe Vlade Zeničko-dobojskog kantona, Vlada Zeničko-dobojskog kantona, na 106. sjednici održanoj dana 04.04.2013. godine, d o n o s i

O D L U K U
O UTVRĐIVANJU DOMENE I ADRESA ELEKTRONSKE POŠTE
U ZENIČKO-DOBOJSKOM KANTONU

Član 1.

(Predmet)

Ovom odlukom se utvrđuju nazivi domene internet stranica Vlade Zeničko-dobojskog kantona (u daljem tekstu: Vlada), Skupštine Zeničko-dobojskog kantona (u daljem tekstu: Skupština), kantonalnih organa uprave i stručnih službi, te kantonalnih upravnih organizacija Zeničko-dobojskog kantona i adresa elektronske pošte (u daljem tekstu: adresa e-pošta) zastupnika u Skupštini, članova Vlade te državnih službenika i namještenika Kantona (u daljem tekstu: zaposlenici).

Član 2.

(Domena Kantona)

Zeničko-dobojski kanton za predstavljanje na Internetu koristi domenu "zdk.ba", registrovanu kod institucije nadležne za upravljanje "ba" domenom.

Član 3.

(Internet portal Kantona)

Uspostavlja se internet portal Zeničko-dobojskog kantona koji će objediniti stranice pojedinih kantonalnih organa uprave i stručnih službi, te kantonalnih upravnih organizacija Kantona.

Član 4.

(Internet stranica Kantona)

Internet stranica Zeničko-dobojskog kantona je: <http://zdk.ba> koja obuhvata internet sadržaj Vlade, Skupštine, kantonalnih organa uprave i stručnih službi, te kantonalnih upravnih organizacija Zeničko-dobojskog kantona.

Član 5.

(Službene adrese e-pošte organa)

Kanton koristi sljedeće adrese e-pošte, uz dodatne adrese po potrebi:

- Skupština Zeničko-dobojskog kantona: skupstina@zdk.ba
- Vlada Zeničko-dobojskog kantona: vlada@zdk.ba
- Premijer: premijer@zdk.ba
- Ured premijera: uredpremijera@zdk.ba
- Stručna služba Vlade: strucnasluzbavlade@zdk.ba
- Sekretarijat za zakonodavstvo: zakonodavstvo@zdk.ba
- Ministarstvo za privredu: min.privreda@zdk.ba
- Ministarstvo za poljoprivredu, šumarstvo i vodoprivredu: min.poljoprivreda@zdk.ba
- Ministarstvo za pravosuđe i upravu: min.pravosudje@zdk.ba

- Ministarstvo finansija: min.finansije@zdk.ba
- Ministarstvo za rad, socijalnu politiku i izbjeglice: min.rad@zdk.ba
- Ministarstvo za obrazovanje, nauku, kulturu i sport: min.obrazovanje@zdk.ba
- Ministarstvo zdravstva: min.zdravstvo@zdk.ba
- Ministarstvo za prostorno uređenje, promet i komunikacije i zaštitu okoline: min.prostorno@zdk.ba
- Ministarstvo za boračka pitanja: min.boracka@zdk.ba
- Služba za zajedničke poslove: sluzbazazp@zdk.ba
- Kantonalna uprava civilne zaštite: kucz@zdk.ba
- Kantonalna direkcija robnih rezervi: kd.rezerve@zdk.ba
- Kantonalna uprava za inspekcijske poslove: kuzip@zdk.ba
- Biznis servis centar: bsczdk@zdk.ba
- Kantonalna uprava za šumarstvo: ku.sumarstvo@zdk.ba
- Veterinarski zavod: vet.zavod@zdk.ba
- Kantonalni zavod za pravnu pomoć: kzpp@zdk.ba
- Pedagoški zavod: ped.zavod@zdk.ba
- Kantonalna direkcija za ceste: kd.ceste@zdk.ba
- Agencija za privatizaciju: agencija.privatizacija@zdk.ba.

Član 6.

(Službene adrese e-pošte članova Vlade, zastupnika u Skupštini i zaposlenika u Kantonu)

Službene adrese e-pošte članova Vlade, zastupnika u Skupštini i svih ostalih zaposlenika kantonalnih organa uprave i stručnih službi, te kantonalnih upravnih organizacija Zeničko-dobojskog kantona kreiraju se kako slijedi: ime.prezime@zdk.ba

Član 7.

(Ukidanje službene adrese e-pošte)

(1) U slučaju prestanka mandata članova Vlade, zastupnika u Skupštini ili prestanka radnog odnosa zaposlenika kantonalnih organa uprave, stručnih službi i kantonalnih upravnih organizacija Zeničko-dobojskog kantona po bilo kom osnovu, Odjeljenje za informatičku podršku Stručne službe Vlade (u daljem tekstu: Odjeljenje) će ukinuti službenu adresu e-pošte.

(2) Obavezuju se rukovodioci kantonalnih organa uprave, stručnih službi i kantonalnih upravnih organizacija da u slučajevima iz stava (1) izvjeste Odjeljenje u roku od 7 dana.

Član 8.

(Izdvojene internet stranice)

Odjeljenje će u dogovoru sa upravama i upravnim organizacijama koje žele zadržati izdvojene internet stranice, izvan zajedničkog portala Kantona, postaviti link (vezu) za njihove postojeće web adrese.

Član 9.

(Prelazni period za adrese e-pošte organa i zaposlenika)

(1) Promjena adresa e-pošte će se obaviti u roku od 3 (tri) mjeseca od stupanja na snagu Odluke.

(2) Dosadašnje adrese e-pošte kantonalnih organa uprave koje nisu na domeni zdk.ba ostaju važeće u periodu od najmanje 3 (tri) mjeseca od dana stupanja na snagu Odluke, sa mogućnosti primanja e-pošte redirekcijom na zdk.ba adrese, dok se slanje obavlja samo sa adresama navedenih u članu 5. ove Odluke.

Član 10.
(Isključenje primjene Odluke)

Ova odluka se ne primjenjuje na Ministarstvo unutrašnjih poslova Zeničko-dobojskog kantona.

Član 11.
(Provođenje Odluke)

Za provođenje ove odluke zadužuje se Odjeljenje.

Član 12.
(Stupanje na snagu)

Ova odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-_____ /13.
Datum, 04.04.2013. godine
Z e n i c a

PREMIJER

mr. sci. Fikret Plevljak, dipl. ing.

DOSTAVLJENO:

1x Svim kantonalnim organima uprave,
 stručnim službama i kantonalnim upravnim organizacijama,
1x Stručnoj službi Skupštine,
1x „Službene novine Zeničko-dobojskog kantona“,
1xa/a.